

अथाष्टमोऽध्यायः

आठमाँ ब्रह्माक्सरनिर्देस अब्दयाय

अर्जुन उवाच

किं तद् ब्रह्म किमध्यात्मं, किं कर्म पुरुषोत्तम।
अधिभूतं च किं प्रोक्तमधिदैवं किमुच्यते॥ १

अर्जन बोल्ल्या

(सात सुवाल करे अर्जन नै)

१के वो 'ब्रह्म' २के अध्यात्म सै?, ३क्याँ नै 'कर्म' कहँ परसोतम?
४ 'अधिभूत' बी बताया के सै, ५ 'अधिदैव' कह्या के जावै सै?॥ १

अधियज्ञः कथं कोऽत्र, देहेऽस्मिन्मधुसूदन।

प्रयाणकाले च कथं, ज्ञेयोऽसि नियतात्मभिः॥ २

६ 'अधियग्य' अधिष्ठाता यग का, कोण किसा इस तन मैं हो सै?
'मधु' मिठास, राग भाव नै, मारणिये हे, ७अन्त समै मैं॥
दुनियाँ तँ जाणै कै बखतँ, किस तहियाँ वँ जाणँ तन्नै।

काब्बू मैं कर लँ जो मन नै?॥ २

श्रीभगवानुवाच

अक्षरं ब्रह्म परमं, स्वभावोऽध्यात्ममुच्यते।

भूतभावोद्भवकरो, विसर्गः कर्मसंज्ञितः॥ ३

श्रीभगवान् बोले

(उनका उत्तर दिया किसन नै)

१'अक्सर' अन्वय, अविकारी जो, 'परम' सभी कै पाच्छै रहँदा।
ततव 'ब्रह्म' वो कहलावै सै, २स्वभाव आपणा होणा जो सै।
'अध्यात्म' कुहावै वो दुनियाँ मैं, 'सु+अ=स्व' उत्तम आप्पा लागै।
काया अर उस मैं जीवात्मा, काया, इन्द्री बाह्य भीतरी॥
भिन्न रूप मैं जीव चलावै, खुद होणै नै 'अध्यात्म' कहँ।

३ 'अध्यात्म' भाव मैं जड़ चेतन, जो अस्तित्व जगत् मैं बणदे।
उन नै प्रगट करणियाँ होवै, दान वस्तु का होम 'करम' सै ॥ ३

अधिभूतं क्षरो भावः, पुरुषश्चाधिदैवतम्।
अधियज्ञोऽहमेवात्र, देहे देहभृतां वर ॥ ४

४ होणा, करण, कर्म वस्तु तैं, भूत जगत् 'क्षर' नाशी होवै।
५ थोत्थे, पोछे इन भूताँ नै, निज प्रकास तैं सै जो भरदा ॥
चिमकावै अर जो वो हो सै, 'पुरुष' आतमा इत 'अधिदैवत'।
६ मैं सूँ 'यग्य-करम स्वामी', सृष्टीरूपी चाल्लै जो यो।
इस तन मैं, काया धरत्याँ मैं, 'वर' हे चाहण जोगे अर्जन ॥ ४

अन्तकाले च मामेव, स्मरन् मुक्त्वा कलेवरम्।
यः प्रयाति स मद्भावं, याति नास्त्यत्र संशयः ॥ ५

(अन्त समै का भाव प्रबल सै)

५ अन्त समै मैं अर मेरा ए, सिमरण करदा त्याग देह नै।
जो जावै, वो 'मैं' ए हो ज्या, नाँ सै इस मैं कोए सँस्सै ॥ ५

यं यं वापि स्मरन् भावं, त्यजत्यन्ते कलेवरम्।
तं तमेवैति कौन्तेय, सदा तद्भावभावितः ॥ ६

जो-जो बी या भाव सिमरदा, छोड़े आक्खर काया नै सै।
वो-वो ए भाव सदा पावै, उसै भाव तैं रँग या, अर्जन ॥ ६

तस्मात् सर्वेषु कालेषु मामनुस्मर युध्य च।
मय्यर्पितमनोबुद्धिर्, मामेवैष्यस्यसंशयम् ॥ ७

(सदा सुमिरदा मन्नै लड़ तैं)

इस कारण सब बखताँ मैं तैं, मेरा सिमरण कर अर लड़ तैं।
मन्नै अर्पित मन बुद्धी कर, मन्नै ए जाः गा, नाँ साँसा ॥ ७

अभ्यासयोगयुक्तेन, चेतसा नान्यगामिना।
परमं पुरुषं दिव्यं, याति पार्थानुचिन्तयन् ॥ ८

(अन्त समै के करणाँ चहिये)

इत-उत जान्दै मन नै अर्जन, एक बिसै पै घर-घार कैँ।
ओर कितै नाँ जान्दै मन तैं, चिन्तन, मनन सदा वो करदा ॥
'परम' सेस जो सब तैं ऊप्पर, जगत् पुरी नै भर कैँ स्थित उस।
'दिव्य' प्रकासित द्युतिमय सत नै, पावै सै हे पूत प्रिथा के ॥ ८

कविं पुराणमनुशासितारमणोरणीयांसमनुस्मरेद् यः।

सर्वस्य धातारमचिन्त्यरूपमादित्यवर्णं तमसः परस्तात् ॥ ९

'कवि' मेधावी, सर्वग्य, पुराणा, जग नै अनुसासन मैं रखदा।
सूक्ष्म तैं बी भोत्तै सूक्ष्म, कारण सब नै धारण करदा ॥
मन नाँ जिस नै सोच सकै अर, सूरज-सा अति तेजोमय सै।
छा कैँ जग नै दुखी करणियै, अन्धेरै तैं दूर घणा सै।
अनुगत हो कैँ उस नै सुमिरण, अर्जन, माणस करदा जो सै ॥ ९

प्रयाणकाले मनसाचलेन, भक्त्या युक्तो योगबलेन चैव।

भ्रुवोर्मध्ये प्राणमावेश्य सम्यक्, स तं परं पुरुषमुपैति दिव्यम् ॥ १०

मरणसमै नाँ बिचळै मन तैं, परमेसर मैं भक्ती रखदा।
प्राणेन्द्रिय मन कैँ निग्रह की, ताकत पा भौहाँ कैँ बीचूँ।
प्राणाँ नैं ले ज्या अर थिर कर, भली तहँ जो स्थित हो माणस।

वो उस परम पुरुस नै पावै ॥ १०

यदक्षरं वेदविदो वदन्ति, विशन्ति यद् यतयो वीतरागाः।

यदिच्छन्तो ब्रह्मचर्यं चरन्ति, तत् ते पदं संग्रहेण प्रवक्ष्ये ॥ ११

('ॐ' अक्सर का महत्त्व)

जिस नै 'अक्सर', अविकारी अर, आणी स्थिति तैं नाँ ए बिचळ्या।
बेद जाणदे लोग बतावैं, मिल ज्याँ जिस मैं लगे जतन तैं।
नाँ सै आसक्ती जिन कैँ मन मैं, नहीं रँग दुनियाँ कैँ रँग मैं।
जिस की चाहत रखदे मन मैं, ग्यान पाण की रहणी रहँदे।
वो तन्नै पद अक्सर ऊँच्चा, थोड़े सबदाँ मैं बोळूँगा ॥ ११

सर्वद्वाराणि संयम्य, मनो हृदि निरुध्य च।

मूर्ध्न्याधायात्मनः प्राणमास्थितो योगधारणाम्॥१२

कायापुर के नो दरवज्जे, आतम राजा इन तैं आ जा।
स्थूल र सूक्सम आठ काज ले, सात दुरज्जे सब कै सिर मैं॥
आँख, नाक, कात्राँ के दो-दो, चाक्खण बोल्लण का सै एकै।
मल मूत्र तज एकेक रहै, त्वचा मँठी सै सारी नगरी॥
नरम गरम का ग्यान करावै, पाँव चलावैं काया-पुर नै।
दो कर करदे कारज सारे, मन इन सास्याँ तैं ए जुड़ कै॥
कारिन्दा यो भाज्जा-दोड़ी, कर कैँ ल्यावै इन्द्रिय-अनुभव।
सबै समेट्टचै बुद्धी धौरै, बुद्धी मन्त्री इन का अनुभव॥
फळ कै रूपै ले ज्या कर कैँ, जीवराज कै निकट परोसै।
जो छाया रहँदा बुद्धी पै, इस तैं इन नै आपणा मात्रै॥
कर्ता, भोक्ता मान स्वयं नै, बँध्या फँसै सै बिसयाँ मैं न्यूँ।
सभी दुरज्जे बँद कर मन नै, रोक बिठा कैँ बुद्धी कै पाह॥
हृदयकमल मैं, उस तैं ऊप्पर, ब्रह्मरन्ध्र मैं चढ़ा प्राण नै।
टिक कैँ माणस आत्मसमाधी, योग धरण मैं स्थित हो अर्जन॥१२

ओमित्येकाक्षरं ब्रह्म, व्याहरन्मामनुस्मरन्।

यः प्रयाति त्यजन् देहं, स याति परमां गतिम्॥१३

‘अक्सर’ अविकारी अविनासी, ब्रह्म बतावै सै जो एकै।
‘ओम’ सबद उच्चारण करदा, मेरा सुमरण करदा जो सै।
जावै जग तैं तजदा काया, परला पद वो माणस पावै॥१३

अनन्यचेताः सततं, यो मां स्मरति नित्यशः।

तस्याहं सुलभः पार्थ, नित्ययुक्तस्य योगिनः॥१४

(परमात्मा कै सुमिरण का फळ)

नाँ ओर कितै मन नै लान्दा, बिना रुकै जो मन्त्रै सुमरै।
नित्त, हमेसा, जीवै जिब तई, मन नै रोक सदा जो राक्खै।

उस योगी नै मैं सुलभ रहूँ, पिरथा भूआ के सुत अर्जन॥१४

मामुपेत्य पुनर्जन्म, दुःखालयमशाश्वतम्।

नाप्नुवन्ति महात्मानः, संसिद्धिं परमां गताः॥१५

मन्त्रै पा कैँ फेर जलम जो, दुख का घर सै, सदा रहै नाँ।
नाँ सैं पान्दे परब्रह्ममय, होंगे जो मोक्ष परम पा कैँ।
आवागम कै बन्धन तैं छुट॥१५

आब्रह्मभुवानाल्लोकाः, पुनरावर्तिनोऽर्जुन।

मामुपेत्य तु कौन्तेय, पुनर्जन्म न विद्यते॥१६

कारण-कार्य भाव मैं आए, ब्रह्मा जी के लोकाँ तक सब।
फेर-फेर सैं आवैं-जावैं, मन्त्रै पा, पर, कुन्ती के सुत।
अर्जन, फेर जलम नाँ होन्दा॥१६

सहस्रयुगपर्यन्तमहर्षद् ब्रह्मणो विदुः।

रात्रिं युगसहस्रान्तां, तेऽहोरात्रविदो जनाः॥१७

(ब्रह्मा के दिन अर रात्री)

सतयुग, त्रेता, द्वापर, कलियुग, बार हजार बीतदे दिन हो।
ब्रह्मा जी का जाणै पाच्छै, युग हजार वा च्यार पहर की।
रात जाणदे दिन-राताँ के, जाणनियेँ जो ग्यात्री जन सैं॥१७

अव्यक्ताद् व्यक्तयः सर्वाः, प्रभवन्त्यहरागमे।

रात्र्यागमे प्रलीयन्ते, तत्रैवाव्यक्तसंज्ञके॥१८

रात्री मैं ज्यूँ सब कुछ सोवै, गहरै तम मैं साफ किमे नाँ।
ब्रह्मा के बी रात्रिकाल मैं, होन्दा परगट साफ किमे नाँ॥
व्यस्ति रूप मैं अङ्गसँग सब, प्रगट पदारथ व्यक्ति बणै सैं।
रात बीतदे ब्रह्मा जी की, दिन जिब ऊगै ब्रह्मा जी का॥
दिन कै बीत्यैँ रात पड़्यै पै, लीन सबै सैं हो ज्याँ उस मैं।
जो वो सोया ब्रह्म जगत सै, ‘अव्यक्त’ नाम की निद्रा मैं॥१८

भूतग्रामः स एवायं, भूत्वा भूत्वा प्रलीयते।
रात्र्यागमेऽवशः पार्थ, प्रभवत्यहरागमे ॥ १९

हो कैँ, जा कैँ, ओजू होवैँ, न्यूँ चक्कर जिन का चाल्लैँ सैँ।
स्मिस्टी जिन तँ होवैँ, उन सब, भूताँ का यो घाण समूच्चा ॥
हो कैँ न्यूँ, हो-हो कैँ फिर-फिर, मिट कैँ उस में मिल ज्यावैँ सैँ।
रात पड़्यैँ पै बेबस आणौँ, अग्यान, काम करमाँ कैँ बस।
बारम्बार जलम न्यूँ ले सैँ ॥ १९

परस्तस्मात्तु भावोऽन्यो, ऽव्यक्तोऽव्यक्तात्सनातनः।
यः स सर्वेषु भूतेषु, नश्यत्सु न विनश्यति ॥ २०

(अव्यक्त प्रकृति तँ ऊपर कुछ सैँ)

न्यारा उस तँ भाव ओर सैँ, व्यक्त न होन्दा इन्द्रिय मन तँ।
ऊपर उस अव्यक्त बीज तँ, भाव परन्तू एक ओर सैँ ॥
सब भूताँ में सत् स्वरूप में, 'व्यक्त' प्रगट वो सदा रहणियाँ।
जो वो सारे नस्ट होणिये, भूताँ में रह खतम न होवैँ ॥ २०

अव्यक्तोऽक्षर इत्युक्तस्, तमाहुः परमां गतिम्।
यं प्राप्य न निवर्तन्ते, तद् धाम परमं मम ॥ २१

जो भाव अतीन्द्रिय, अविनासी, बोल्ल्या वा कहँदे 'परमगती'।
जिस नै पा नाँ उल्टे आवैँ, वो ए रूप परम सैँ मेरा ॥ २१

पुरुषः स परः पार्थ, भक्त्या लभ्यस्त्वनन्यया।
यस्यान्तःस्थानि भूतानि, येन सर्वमिदं ततम् ॥ २२

(भगती तँ वो पाया जा सैँ)

दुनियाँ-पुर नै पुर कैँ, भर कैँ, उस में बसदा, उस तँ ऊपर।
पूत प्रिथा के अर्जन, वो सैँ, ओर किसैँ की नाँ होणाळी।
भक्ती तँ पाया जा सकदा, जिस कैँ भीत्तर भूत सबैँ स्थित।
जिस नै सारी दुनियाँ या सैँ, अस्तित्व, स्फुरण तँ बणा भरी ॥ २२

यत्र काले त्वनावृत्तिमावृत्तिं चैव योगिनः।
प्रयाता यान्ति तं कालं, वक्ष्यामि भरतर्षभ ॥ २३

(मरण बखत सँ दो तहियाँ के)

जग तँ जिस काळ गए योगी, नाँ आवैँ, अर करम करणिये।
वापस आवैँ भरत बँस के, अर्जन, इब वो काळ कहूँ सूँ ॥ २३

अग्निर्ज्योतिरहः शुक्लः, षण्मासा उत्तरायणम्।

तत्र प्रयाता गच्छन्ति, ब्रह्म ब्रह्मविदो जनाः ॥ २४

यग्य करम में बळदी अग्नी, तार्याँ की जो छाँह में होवैँ।
रात्रिकाळ का अन्त जिबैँ हो, ऊगैँ जोत प्रकासित सूरज ॥
चान्द्र मास का सुकल पकस हो, छह भीत्रैँ उत्तर में सूरज।
इसैँ समैँ में बिदा जगत् तँ, होणैँ आळे ब्रह्म-उपासक।
कार्य ब्रह्म नै क्रम तँ पावैँ ॥ २४

धूमो रात्रिस्तथा कृष्णः, षण्मासा दक्षिणायनम्।

तत्र चान्द्रमसं ज्योतिर्, योगी प्राप्य निवर्तते ॥ २५

धूम्राँ उट्टैँ, बुझी आग हो, रात समैँ में सूरज बी नाँ।
चन्दा बी नाँ, रात अँधेरी, एक्कम तँ ले मावस ताहाँ ॥
क्रिसण पकस हो, भीत्रे छह हों, सूरज जिब दक्खण में चाल्लैँ।
इसैँ समैँ में गया लोक तँ, यग्य करैँ अर नाँम खोद कैँ ॥
जन-सेवा नै किमे बणावैँ, सही जघाँ पै, सही बखत पै।
दान करम में रोक्के राक्ख्यैँ, मन आळा योगी, चन्दर की ॥
ज्योती नै पा, हळकी-हळकी, ग्यान चाँदणी, घटदी-बढ़दी।
नाँ बी होवैँ, उस नै पा कैँ, करम फळाँ नै, भोग आदमी।
तम में लोट्टैँ सैँ रैँ अर्जन ॥ २५

शुक्लकृष्णे गती ह्येते, जगतः शाश्वते मते।

एकया यात्यनावृत्तिमन्ययाऽऽवर्तते पुनः ॥ २६

धोळी, काळी गति सँ दो ये, ग्यान जोत, अग्यान अँधेरा।

जिद तँ दुनियाँ, तद तँ मानी, एक ग्यान तँ बन्ध तोड़ कै।
मुक्ती पा नाँ फँसै दुबारा, दूज्जी गति अग्यान अँधेरा।
उस नै पा कै फँसै फेर सै ॥ २६

नैते सृती पार्थ जानन्, योगी मुह्यति कश्चन।
तस्मात् सर्वेषु कालेषु, योगयुक्तो भवार्जुन ॥ २७
नाँ ये गति दो अर्जन, जाणै, योगी मोहित होवै कोए।
इस कारण सब बखताँ मैं तँ, एकाग्रचित्त हो कै फळ की।
इच्छा छोड करम कर अर्जन ॥ २७

वेदेषु यज्ञेषु तपःसु चैव, दानेषु यत्पुण्यफलं प्रदिष्टम्।
अत्येति तत्सर्वमिदं विदित्वा, योगी परं स्थानमुपैति चाद्यम् ॥ २८

ॐ तत्सदिति श्रीमद्भगवद्गीतासूपनिषत्सु ब्रह्मविद्यायां योगशास्त्रे
श्रीकृष्णार्जुनसंवादे अक्षरब्रह्मयोगो नामाष्टमोऽध्यायः ॥ ८ ॥

(इस ग्यान का महत्त्व)

वेद पढे जो भली तहाँ हों, यग्य करे हों सर्धा, बिधि तँ।
तन के मन के कस्ट तपे हों, दान करे हों देस काल नै अर ॥
गुणी पात्र नै सोच समझ कै, उन कै पुन का फळ जो बोल्ल्या।
पाच्छै छोडुँ सारे नै वो, या जाण समझ कै सै योगी।
परला उत्तम पद वो पावै ॥ २८

स्रीमती सीतादेब्बी अर स्रीस्रीनिवास सास्तरी कै बेट्टे सिवनारायण
सास्तरी कै हरियाणी भास्सा कै गीतायन काब्ब्यभास्स्य मैं
आठमाँ अध्याय पूरा होया ॥ ८ ॥

पूर्वसलोकयोग ३१० + २८ = ३३८